

VSCHINAUNCHA DA S-CHANF



Ledscha

da sunteri e da funarels

Ledscha da sunteri e da funarels per la vschinauncha da S-chanf

As basand sün l'art. 4 punct i e l'art. 33 punct 2 da la constituziun cumünela da la vschinauncha da S-chanf relascha la radunanza cumünela la seguainta ledscha da sunteri e da funerels.

Art. 1

L'aplicaziun da quista ledscha suottasto a la suprastanza cumünela.

I. Sunteri

Art. 2

Las sepultüras dessan seguir in lingia.

Art. 3

Our da lingia paun gnir sepulieu be urnas u in fossas reservedas, e que be aint ils lös previs per que. La taxa per fossas reservedas importa fr.1'000.00 per sepultüra.

Art. 4

Fossas resevedas restan a dispusiziun per 40 ans, però in mincha cas fin almain 20 ans zieva l'ultima sepultüra.

Art. 5

Il temp da repos importa per tuot las fossas almain 20 ans.

Art. 6

¹Per fossas in lingia, per las quêlas la vschinauncha nun es in oblig da metter a dispusiziun la piazza, vain preleveda üna taxa da fr.500.00.

²Per sepultüras da na domicilios vain preleveda üna taxa correspundenta als cuosts effectivs.

³In cas motivos po la suprastanza cumünela redüer quistas taxa.

Art. 7

Urnas paun gnir sepulidas eir in fossas existentas, però na pü veglias cu 10 ans e que be cun l'acconsentimaint dals paraints.

Art. 8

Las fossas dad urnas as rechattan aint il sunteri da S-chanf aint il vout dal sunteri vers bunura, a Cinuos-chel lung il mür dal sunteri vers mezdi, ed a Susauna lung il mür vers bunura.

La fossa anonima as rechatta aint il sunteri da S-chanf.

Art. 9

La vschinauncha survaglia cha tuot las fossas in lingia vegnan inramedas eguelmaing.

Art. 10

Als relaschos es be admiss dad orner las fossas cun monumaints chi nu surpassan il ram e na pü ots cu 120 cm. Ornamentals cun bos-cha e frus-chers nu sun admiss.

Art. 11

Il lever las fossas veglias suprasto a la supastanza cumünela.

Art. 12

Ils monumaints da têlas croudán a la vschinauncha, scha'ls paraints nu'ls alluntaneschan infra 90 dis zieva la publicaziun.

I. Funarels

Art. 13

L'act funeber public ho lö davaunt la chesa dal defunt u in baselgia e que a las uras 13.30.

Art. 14

Per funarels in baselgia po la bêla gnir missa la saira aunz in quista e que a partir da las uras 20.00.

Art. 15

¹Per l'accompagnamaint da bêlas d'utrò vain suno il sain grand fin cha quellas sun in baselgia u in chesa.

²Per tuot ils funarels vegnan sunos ils sains seguintamaing:

Da las 13.00 fin las 13.05 sain grand.


Da las 13.25 fin las 13.30 sains insembel.

Düraunt l'accompagnamaint da la bêla sül sunteri sains insembel.

Quista ledscha da sunteri e funarels es gnida approveda da la radunanza cumünela dals 29 avuost 2018. Ella rimplazza l'uorden da sunteri e da funarels dals 11.07.2007.

S-chanf, 29 avuost 2018

Il president:


G.F. Largiadè



L'actuar:


G.L. Vitalini